

تسجيلان لحديثين هامين بين علي صبري وشعراوى وفائق
كيف دبروا المؤامرة .. وماذا كان دور فوزى فيها ؟

اذاع المدعى العام الاشتراكي امس تسجيلين صوتيين لحديثين
تليفونيين هامين .. اولهما بين علي صبري وشعراوى جمعة ،
والثاني بين علي صبري ومحمد فائق .. كشف التسجيلان ابعا
جديدة فى المؤامرة .. وكذلك اوضحا كيف كانت نظرة المتهمين
الى الاخرين .. وكيف كان دور المتهم محمد فوزى كما تحدث
عنه الثلاثة ؟

كان الحديث الاول بين علي

صبري وشعراوي جمعة :

بعد ان تبادلنا التحيه دار الحديث الاتي
تفصيليا :

شعراوي - ايه راى سياقتك يا فلنم
نتحرك بكده *

علي صبري - انا كان لي راى عرضته
علي عبد المحسن - والحقيقة انا قعدت
افكر - وانا بالفكر في اتجاهين - اتجاه
اللجنة والناس بره - يعني باتكلم علي
الموقف الداخلي والقوات المسلحة والكلام
اللى قلتوه امبارح ومفيش شك انه فيه
بلبله وفيه قلق وفيه اى حاجة تقدر
تحصل - فانا لي هدفين - في تصوري
يجب ان يكون لنا هدفين - الهدف الاولانى
هو العمل من خلال المؤسسات والتكتيك
اللى لبتيمه وفي نفس الوقت طمانه ولم
الجهة الداخلية تمهيدا للذ ..

- ايوه
- عملية التاجيل فقط - يعني كون
اللجنة تجتمع وتأخذ قرار بالتاجيل -
في تصوري انه حيمشى في اجراءاته -
حبيسمر - حايتهدى اللجنة ويستمر *

- ايوه
- برضه حيوصل لطريق مسدود - يعني
سواء مجلس الوزراء * والفق او موافقش *
- لا ما احنا خطتنا ان احنا نقول
لمجلس الوزراء *

- انا باقول سواء ده او ده - حايوصل
لمجلس الامة حيلتزم بقرار اللجنة المركزية
- ولبيب بيقوللى ان مجلس الامة من
لائحته ان اى موضوع زى كده يتعال علي
لجنة *

- طبعا - وحيأخذ قرار بالتاجيل طبعا
زى اللجنة المركزية لانه هو ده الحل اللى
مممكن نجيب حتى المنخرجين يصوتو امماك
- انما الجزء الاخر اللى هو الناس
والقوات المسلحة حتستمر حاله

TENSION

طالما الموضوع معلق ومؤجل فعالة الـ
TENSION موجودة واللى من خلالها
مممكن ان يحدث اى شئ - من هنا لغاية
مايكون فوزى جه *

- ايوه
- فانا فكرت في تعديل في الاقتراح
باقول ايه - نطلب التاجيل او قرار
اللجنة المركزية بتاجيل بحث الموضوع

لحين ازالة آثار العدوان والانتهاج من
المعركة وبالطريقة دي بابقى مطمن الجبهة
الداخلية كلها والجيش أن المعركة جاية
والشعب يعرف أن المعركة جاية وان هذا
الموضوع حاي طرح بعد كده بعد المعركة
وابقى لبت البلد بالمعركة .

— لو سيادتك احدثت قرار بالشكل ده
هايبدو المؤتمر القومي ويبللنا اكثر لان
ده معناه رفض كامل له — انا مش عايز
ابهين له انى انا بارفض انما بادرس
وبادرس لمدة اسبوع .

— اصل اسبوع مش كافي .

— فوزى هيكون جاهز

— كده

— انا مالى ايدى من النقطة دي

— اه

— لكن لو سيادتك قلت لأجل لعين
ازالة آثار العدوان — بيبقى سيادتك
اللجنة رفضت مشروعه بالكامل ومعنى
هذا هيقول لا انا حادعو المؤتمر — لما انا
مش عايز اوبيه الى سكة تانيه — انما
انا بقول والله المشروع ده كويس واحنا
وحدويين لكن بيحتاج منى دراسة — فهذه
الدراسة مش ممكن هذا الموضوع ان اللجنة
المركزية توافق عليه فى يوم والا معناه
اننا ما اعطيناش الموضوع حقه فى الدراسة
فماحنا بنشكل لجنة خاصة لدراسته فى

مدة اقصاها اسبوع — وبيجى بعد كده
مجلس الوزراء نقول ما دام اللجنة المركزية
اخلت لما احنا بنؤجل — مجلس الامة
بيحيله الى لجنة وبذلك بيبقى تخطينا .
— هو ها يعتبر دي هزيمة له برضه
— هو حايصر واحنا نصر — بس هنا
ما عنديش الحق او السلاح اللي يدعو
بيه المؤتمر لان اللجنة المركزية ما رفضتش
— اللجنة المركزية بتدرس — لكن لما
سيادتك تقول ولعين ازالة آثار العدوان

يبقى معناها ان سيادتك رفضت
المشروع — فيدعو المؤتمر ويتصرف بقى
تصرفات تانية — انما سيادتك لما تقول
انا حادرس بيبقى من حق اللجنة انها
تدرس الموضوع — ومش ممكن اخش فى
موضوع بالشكل ده واوافق عليه فى
نفس الليلة — نشكل لجنة تدرسه ونمشى
ونؤجل اسبوع .

— بس بكرة حايصل المناقشة اللي
حصلت فى اللجنة التنفيذية العليا ضرورى
— ها تحصل — بس سيادتك توقع انه
فيه ناس حاترفض وتعارض وناس حاتؤيد
وناس تروح داخلة بعد كده وتقول والله



مركز الأهرام للتنظيم وتكنولوجيا المعلومات

الموضوع ده يحتاج لدراسة وينقترحه ونصر
على التصويت عليه فيأخذ غالبية - هو
بصر واللجنة تصر - حيجد نفسه في نقطة
ما بقدرش يرفض قرار اللجنة *
- مش عارف - انا خايف من
العملية كده

- مسئوليتي يا فندم - احنا حنتحرك
تنظيميا على هذا الاساس - حنتحرك -
انما لحين ازالة آثار العدوان حا يحدد
وحا يقول لا انا مش ماثي ويا اما تقولوا
آه ويا اما تقولو لا ويحط اللجنة في اخراج
ويقول انا حادعو المؤتمر القومي وتلاقيه
بقى سيادتك عرف ان العملية ماشيه ضد *
- اصل التاجيل حيعتبره هزيمة له
برضه

- بس حايعتبره اخف الضررين لان سيادتك
ما يتقلش انا برفض انت بتقول انا بادرس
الموضوع لمدة اسبوع وده موضوع مهم جدا
على الاقل بنشوف بنود الاتفاقية ايه قد تكون
فيها اخطاء قانونية قد تكون فيها التزامات
علينا - قد تكون وقد تكون ٠٠٠ مش معقول
اللجنة المركزية تيجي في ساعة وتوافق على
المشروع والا لم تعطه حقه المطلوب حاتتشكل
لجنة تجتمع يوميا في الاتحاد الاشتراكي
لدراسته وتقدم تقريرها الى العملية وتقول
كل الاستفسارات والاستئلة اللي دايره
والحاجات دي - ولذلك هو ما بقدرش يمسك
علينا حاجه - العملية بناءة جدا ومشي
حق الناس انها تدرس هذه العملية *
- بس الفرقة حا تحصل حتحصل
- حتحصل ازاى *
- جوه اللجنة المركزية *

- ماهو لازم حد حيعارض طمعا -
ما انا سايب فريد عبد الكريم حيتكلم *

- مين
- يعني فريد وفريد كل المجموعة دي تتكلم
وانا مليش دعوة بيهم - يعني فيه مجموعة
- يعني هل اتكلم انا او ما اتكلمش
ولو طلب مني اتكلم حاقول ايه - ما هو
انا مخرج دلوقتي لاني حاضط اكرر كلامي
اللي قلته *

- انا حاقول لسيادتك حاجه - هو
حايشرح الخلافات وحيقول انه فيسه
خلافات موجوده - سيادتك ما متكلمش في
الاول - سيادتك حتى لو طلب منك او لو
اعطاك الكلمة ولقيت نفسك مضطرك تنكلم
ايد قرار التاجيل بتاع اللجنة المركزية
لدراسة اسبوع *

— طيب وإذا كان الكلام ده كله قبل

الاقتراح .
 لا — أنا عارف تكتيكه يا غندم — هو
 مش حايدى لسيانك الكلمة فى الاول .
 وحيدى الكلمة للناس — وفى أثناء كلام
 الناس حيطلع الاقتراح بتاع التاجيل —
 سيانك تخش بتاييد هذا الاقتراح ويبقى
 عملت عمل بناء .

— حا يعتبرها هزيمة له ويفهم التكتيك
 — ما يعتبرها بس ما يقدرش يقول للجنة
 حاجة — هو التاجيل والدراسة هو هزيمة
 بس هزيمة مشرفه يعنى — هزيمة لها
 أسلوب تكتيكى معين — ما يقدرش يقول
 أنا انهزمت أبدا — هو حا يعتبرها فى
 قرارة نفسه هزيمة — حقيقية يعنى ولكن
 ما يقدرش يقول للناس عايزه تدرس
 العملية — بتدرسها — احنا ما بنرفضش
 احنا بنقول والله كلنا وحدويين وكلنا على
 طريق عبد الناصر فى الوحدة — بس ادينا
 فرصة ان احنا ندرس الكلام اللي انت
 جاييه لنا ده .. الله .. ده انتم تعدنوا
 كذا يوم بتدرسوه . طيب ادونا فرصة ندرس
 احنا كمان — ما يقدرش أبدا بجبر اللجنة
 انها تاخذ قرار فى نفس اليوم مطلقا .
 — طيب .. على البلد ايه بقى ٩ ما ...
 فى البلد كمان طرف

— أسبوع نفهم — تاجيل للدراسة .
 — يعنى البلبله داخل حتبقى عنى اشدها
 — لا يالغندم — حيطلع بيان شكلت لجنة
 من اللجنة المركزية لدراسة مشروع الاتحاد
 وحاتقدم تقريرها الى اللجنة المركزية فى
 اسبوع .. وده عمل سياسى صح .
 وأنا اصلى مش عاوز يحطنا فى

CORNER

بحديث اننا ناخذ اجراء سلبى يعنى ان احنا
 نستقيل او نمشى — أنا مش عايزها دى .
 وبنمشى بناتين جدا يعنى — ونعدى الاسبوع
 — سيانك ماتخافش من البلد فى المفتردى
 — ايه

— فترة اسبوع ماتخافش — مش حا يحصل
 حاجة — وبعدين مش حيبان قدام القوات
 المسلحة ان احنا منقسمين .

— لا — ماهو اصل اتعرف .
 — معلش — لكن على الاقل انه فيه
 عملية لم ودراسة وحاجات زى دى .
 — خلاص اما نشوف الجلسة بكره
 حتمش ازاي .



مركز الأهرام للتنظيم وتكنولوجيا المعلومات

- آه — نمشي على هذا ونبقر صاحيين
في الجلسة — ممكن نتخل في وقت
اللزوم — سيادتك قاعد في الاتحاد النهاردة
— آه — أنا قلبي على الكلام اللي انتم
قلتموه — على البلد طبعاً •
- اصل لو رفضنا — لو رفض أوتاجل
لعين ازالة اثار العدوان حيعتبره رفض
فحيتصرف هو وهنا البلد حتتبلبل البلبلة
دى — انما لو ظلمنا بهذا ووجد نفسه
انه هو مضطر ان يوافق على هذا —
هو طبعاً حيعتبرها هزيمة مش حايقدر
يتصرف في اى اجراء بعد كده •
- بس هايرجوله ويقولوه — معنى
كده عمالين يمتوحوا فيك — آه — أنا
عارف •
- ما حيقولوه • لكن الخلف المريرين
قدامه •
- عدم الموافقة معناها هزيمة •
- طيب ده احسن والا نطلع اللجنة
مش موافقة — بالنسبة لده احسن —
نمشي على كده ونشوف الدنيا حتمش اراى
— والله أنا خايف من المستقبل •
- طبعاً بس أنا ... ان المعركة
كانت من العاجات دى — وبعدين هي
الامور عامرتش بسهولة — يعني هوهايفكر
مرة واثنين وثلاثة بعد الـ
- طيب هل نقول اسبوع •
- مدة اقصاها اسبوع آه •
- ليه اقصاها اسبوع ؟
- ماهو متهيالى مش حاتجتمع ثاني
اللجنة •
- معلوش يعنى ليه نقول له اقصاها
اسبوع ؟
- ولو انه هو حيقول حددوا ميعاد —
هو حيقول طيب اللجنة تجتمع وتجبب لى
تقرير بكره •
- لا بكره ايه ؟
- آه — فانا بقول مدة اقصاها
اسبوع علشان بايدله « برانش » انه
ممكن نخلص قبل الاسبوع وممكن نخلص
في اسبوع — يبقى فيها شيء من المرونة
يعنى •
- والا كانت تتاجل وتستمع لاراء
الاعضاء •
- وبعدين ممكن لو اضطررنا الظروف
ستيجي اللجنة تقول والله أنا ما خلصتشي
يعنى العملية في ايدينا بعد كده •



مركز الأهرام للتنظيم وتكنولوجيا المدبريات

- All right مشى على كده •
- تمشى على كده •
- آه •
- طيب شكرا • Oky.

وانتهى الحديث .. اما الحديث الثانى فهو بين على صبرى ومحمد فائق

السيد على صبرى - ايه اخبارك ؟
السيد محمد فائق - من امبارح مفيش
حاجة جديدة خالص - هل فيه حاجة
جديدة يا فندم ؟
- آه تكلمت مع شعراوى ومع عبد
المحسن فت عليه وحنشى على أساس
التاجيل •

- متهايلى هو ده المعقول •
- انا كان عندى اقتراح - انا فكرت
طبعاً - التاجيل كده ونقول اسبوع او
١٠ ايام او اى حاجة من العمليات دي ••

ماهو انعكاسها على البلد بره - بصرف
النظر عن اللجنة - الفلق حايبتمر والـ
Attention حتستمر فى البلد على
اساس ان الموضوع لم يحسم وان الخلاف
موجود • فانا كان اقتراحي او تعديلى
يقول ايه ان - اللجنة تأخذ قرار بالتاجيل
الى ما بعد ازالة آثار العدوان •

- يساه •
- آه - على اساس ان دى تظمن
الناس وتظمن الجيش •
- ولكن والقوا على كده يعنى •
- لا - ده اقتراحي انا •
- اصل مش هيقلها - لان ده بنعتبر
••• آه •

- فكلمت عبد المحسن بيقول دى حتخليه
يعشى فى اجراءاته برضه •
- طبعاً على طول •
- وشعراوى برضه قال دى حتخليه
يعشى فى اجراءاته •
- ده مؤكّد •

- فالمعملية حتوصل للنياية •
- طبعاً •
- اما الثانية فابتموم الموقف مايقدرش
يعارضها •
- بالضبط كده • انا اعتقداى كده
ده كلام سليم •

- بس هو الاقتراح بتاعنا ده مرتبط
او التاجيل البسيط ده بدون تحديد يحتم
موضوع فوزى •
— أه طبعا — والمهم انه يتم قبل الاجتماع
الثانى •
— آه • هو ده بقى اللي صحيح ويبقى
متكامل •
— هو ده الى يكمل العملية — ما هو ده
كان اساس الاقتراح كده •
— ما انا عارف •
— وسيادتك وافقت على كده •
— أه بس على اساس التكملة يعنى اللي
احنا اتفقنا •
— ابوه يافندم — ده بيبقى كلام سليم •
— طيب يافندم — بهاء جه لسيادتك •
— لا ماشفتوش •
• سيادتك حتشوفه النهارده اظن •
— أه حاسوفه النهارده •
— آه •
— انا مش حاتكلم فى الاول بكره •
— احسن • اذا كنا عاوزين
Way out يعنى احسن كده
- يعنى
— ولو انى متوقع انه فيه حد حيطب
الاستماع — حيقول الى وجهة النظر الاخرى
— حيقول طبعا عاوزين نعرف اللي رفضوا
دول رفضوا ليه — ده اللي انا متوئعه •
— بس انا متصور انه هيعاوم يؤجلها
بأى شكل •
— لا مايتدرش — ده عاوز بيان ديمتراطى
— وانه — ده اللي انا باخشاه — انه هو
نفسه اللي يقترح ادى راى — راي المعارضة
— اتفضل يا على قوم — ده انا اللي متوئعه
— مش من الاعضاء حتى — لان ده احتمال
— لا تبقى مش كويسه كده الا اذا كان
حيبقى فيها فرقة يعنى
— أه فى الحالة دى حابقى انا مخرج
فاحاضر انكلم •
— أه •
— نهايته — اما نشوف الجلسة حتمشى
ازاى •
— طيب يافندم ولو فيه حاجة حاتصل
بسيادتك انا •
— All right هل البلد فعلا عارفة ؟
— انا مش حاسس — هو بيقولوا كده —
لكن الحقيقة لغاية دلوقتى انا مش حاسس
بالحكاية دى •



مركز الأهرام للتنظيم وتكنولوجيا المعلومات

- هاه
- الا من تساؤلات على اساس الموضوع
- الطريقة التي انتشر بيها وكده انما انا
- مش حاسس *
- الصحفيين يعني *
- مش حاسس - بجد - بدليل الناس
- اللي بيكتب *
- ما هو اللي بيكتب ده متعيش - هو
- ماله *
- لا ابدأ - ما هو فتحي غانم بيكتب *
- لا - فتحي غانم مش دريان بالدنيا *
- آه *
- ده آخر من يعلم *
- انا حاسس ان الناس مش داريه لسه
- غير في حدود ضيقة يمكن - انما انا في
- توقفي ان النهاردة على بكره حنكرن الحكاية
- انتشرت *
- في اللجنة المركزية على الاقل *
- اه طبعا *
- طبعا
- Oky
- طيب يانعم
- مع السلامة *